



UNIVERSITÄTS-
BIBLIOTHEK
PADERBORN

Universitätsbibliothek Paderborn

Nicolai Mazzotta *theologia moralis*

omnem rem moralem absolutissime complectens

Mazzotta, Nicolò

Augustae Vindelicorum & Cracoviae, 1756

Cap. III. De Casibus specialiter reservatis in Ordinibus Religiosis.

urn:nbn:de:hbz:466:1-41004

reservatis huic Archiepiscopo : qua in re addunt Comit. Homob. Pelliz. & alii , hoc ipso , quod Episcopus non proponit in tabella aliquos casus reservatos in Synodis , censeri tribuere generalem facultatem absolvendi ab illis ; quia , si voluisset eos sibi reservare exposuisset in tabella . Demum noto , ex Chapeavil. apud Croix num. 1634. manere reservationem casuum expiatorum in tabella , quamvis moriatur Episcopus , qui reservavit , quoisque Successor non revocet ; est enim per modum statuti perpetui : secus vero dicendum de reservatione facta tanquam ab homine . Noto insuper , quod . si Episcopus edat novum catalogum casuum reservatorum , in quo aliquem prioris tabellæ omittat , hunc etiam ante commissum desinere esse reservatum , non tamen desinere excommunicationem per illum jam incursam : contra vero , si Episcopus addat novum casum , cui etiam adnectat excommunicationem , qui hunc antea commiserat , non ligabitur ea excommunicatione , quia haec non imponitur , nisi peccatis committendis ; ligabitur tamen reservatione ex Bordon. Ayer. & aliis apud Croix num. 1634. quia ablata est jam jurisdicçio respectu illius ; quamvis alii probabiliter aliter sentiant

C A P U T III.

De Casibus specialiter reservatis in Ordinibus Religiosis.

PRÆTER casus Papales , quibus etiam subjacent Religioni , Clem. VIII. ann. 1593. concessit Superioribus Regularium , ut possint sibi reservare 11. casus , quos ipsemet exprimit in Bulla , aut omnes , aut eorum aliquos , prout subditorum utilitati expedire in Domino judicaverint : & , si quod aliud peccatum grave , præter 11. pro Religionis conservatione , aut pro Conscientiæ puritate reservandum videatur , id non aliter fiat , quam Generalis Capituli in toto Ordine , vel Provincialis in Provincia , matura discussione , & consensu . Licebit tamen Superioribus determinare pœnitentias graves quibusdam peccatis etiam non reservatis à Confessariis imponendas , quæ subditos ab ejusmodi perpetrandis prohibere possint . Hactenus ex Clem. VIII. quod confirmavit Urb. VIII. Venio jam ad casus Bullæ Clement. VIII.

qui

qui undecim numerantur, quosque undecim numeris hic breviter absolvam.

I. *Veneficia, Incantationes, sortilegia.*

Nota : *Veneficia*, et si non habeant magicum quid coniunctum, modo venenum propinetur, etiamsi mors non sit secuta : Fagund. Portel. Homob. Baff. & alii. *Incantatores*, sive tacite, sive expresse invocato dæmone; & in hunc casum incidit etiam, qui incantatoris opera utitur : Doctores cit. *Sortilegia*, etiam sine pacto expreso; item, qui sortilegos consulit, eorum opera utitur; item divinatio; item astrologia judiciaria : Coriolan. contra Cours. apud Baff.

II. *Apostasia à Religione, sive habitu dimisso, sive reteneto, quando eo pervenit, ut extra septa Monasterii, seu Conventus fiat egressio.*

Nota, *Apostasia, &c.* Si animo apostatandi dimisso habitu tentes egredi extra septa, nec potes, non incurris hunc casum; incidis tamen in excommunicationem, cap. *Ut periculosa, ne Cler. vel Monach.* in 6. ob temerariam habitus dimissionem. Si animo apostatandi exeras, sed statim redeas, peccas mortaliter, tamen non incurris hunc casum, quia peccatum non est exterius consummatum in ratione apostasie, cum non dicatur rigorose recessus : Navarr. Graf. Bon. Bordon. Baff. & alii. Si apostates è domo, vel loco, ubi Fratres morantur, dum fabricatur Monasterium, vel è domo alicujus secularis, incurris hunc casum; quia talis fuga est desertio Instituti animo non redeundi: Cours. Baff. & alii: secus, si desit hic animus, qui requiritur essentialiter ad apostasiam.

III. *Nocturna, & furtiva è Monasterio, seu Conventu egressio, etiam non animo apostatandi facta.*

Nota, *Nocturna, &c.* Si fiat in crepusculo diei, Coriolan. dicit, non incurri hunc casum, Cours. dicit, incurri; in dubio censemendum factam de die etiam pro foro externo, ut sic poena mitigetur: Bassaeus. Et *furtiva*, hoc est sine licentia Superioris, etiamsi alii sciant, ut addit Cours. contra Coriol. & March. quia fit invito Superiori; imo, etiamsi Praelatus indebit consenserit, quia licentia est nulla, ut addit Suar. Idem est, si ipse Praelatus egrediatur, quia contra regulam, & suum Superiorum majorem: Suar. Cours. Baff. & alii. Parvitas tamen

tamen temporis excusat juxta jam dicta; in Religione tamen observanti non excusat quadrans: Bordon.

IV. *Proprietas contra votum Paupertatis, quæ sit peccatum mortale.*

Nota: *Proprietas, &c.* qua scilicet Religiosus tenet aliquid contra voluntatem expressam, vel probabiliter præsumptam Superioris, & Domini. Qui autem accipit, aut tenet absque licentia, sed cum dependentia à voluntate Superioris, non est proprietarius, nec incurrit hunc casum, et si peccet graviter. Quantitas rei est, quæ sufficeret in seculari ad furtum mortale; addit tamen Marchant. ut ex circumstantiis loci, Monasterii, abundantiae regionis, consuetudinis, &c. major etiam quantitas proprietatem non faciat; habenda est etiam ratio rerum unico usu consumptibilium, in quibus quandoque plus displicet Superiori modus, quam res; quod si etiam res displiceat, adhuc quantitas debet esse major, cum hujusmodi res sit frequenter objectum liberalis donationis, & oblationis: v. Baff. v. hic cas. 8.

V. *Juramentum falsum in judicio regulari, seu legitimo.*

Nota: *Juramentum, &c.* quando scilicet juridice, ac legitime interrogaris à Superiore, sive ut reus, sive ut testis; secus vero, si pejeres in judicio non legitimo, vel circa aliquid, de quo non interrogeris: Suar. t. 4. de Relig. l. 2. c. 8. n. 7. neque, si ex conscientia erronea putas, te pejerare, quia actus externus non est perjurium: Suar. contra Fagund. quando autem testis, vel reus teneatur fateri, dictum est q. anteced.

VI. *Procuratio, auxilium, seu consilium ad abortum faciendum post animatum fœtum, etiam effectu non secuto.*

Nota: *Procuratio, &c.* ex intentione scilicet abortus animati; requiritur tamen, ut sit applicata v.g. potio, &c. etiamsi abortus non sequatur. Hinc non incurris hunc casum, si ex alio fine percutias prægnantem, ex quo per accidens sequatur abortus; neque si des auxilium, vel consilium, & illa non applicet; neque, si dubitans de animatione fœtus, procures abortum, quem non procurares, si probabiliter scires, esse animatum, quia ex intentione non lœdis fœtum animatum: Bordon. q. 7. Mandans autem comprehenditur sub voce illa, *Procuratio*: Bordon. Baff.

VII. *Falsificatio manus, aut sigilli officialium Monasterii, aut Conventus.*

Nota : *Falsificatio, &c.* Fit hæc imitatione manus, vel si aliquid eorum litteris addatur, aut detrahatur, quo sensus ab eis intentus mutetur; similiter, si eorum sigillum applies litteris falsis, vel aliud simile effingas, eoque utaris. Si autem furoris eorum sigillum, aut aliud effingas, animo signandi scripturam, sed postea non signes, non incurris, quia proprie non habetur falsificatio, quæ respicit litteras signatas : Suar. l. 8. c. 18. n. 7. Neque, si signes epistolam continentem materiam levem, & animo non inferendi damnum : Suar. ib.

VIII. *Furtum de rebus Monasterii, seu Conventus in ea quantitate, quæ sit peccatum mortale.*

Nota : *Furtum, &c.* & similiter detentio, & usus rei, invito Superiore, & res Monasterii est etiam, quæ ad usum particularium est assignata : unde incurrit hinc casum, qui furatur, aut detinet scripta aliorum Religiosorum sui Monasterii, ut transcribat, & postea restituat, modo supponatur alter rationabiliter invitus : Bassæus. Addit Cours. talem furem incurrere etiam excommunicationem reservatam Papæ contra occupantes bona Ecclesiarum, quod probabile reputat Boss. Quantitas saltem quatuor argenteorum sufficit ; & quandoque minor, juxta occurrentes circumstantias; modo non sit in comedilibus : Suar. l. 8. Relig. c. 21. n. 40. & 41. Ait Sanch. l. 7. Dec. c. 20. num. 3. Opinionem unius Recentioris exigentis quantitatem requisitam ad furtum filiorum probabilem non esse, cum Institutio ratio, vox ipsa Superioris, & demum omnia jura prohibeant ejusmodi furtæ. Quamvis Tamb. l. 8. Decal. t. 2. c. 4. n. 6. alleget Rebel. Ledes. Cened. & Caram. in oppositum : v. tamen Lug. de Just. d. 3. a. n. 172.

IX. *Lapsus carnis voluntarius opere consummatus.*

Nota : *Lapsus, &c.* significat seminis emissionem; imo etiam distillationem, quæ est vera seminis effusio, ut addit Gob. contra Dian. Dicitur autem *Voluntarius*, si voluntas volendo influat in illum; quale non est desiderium seminationis nocturnæ ob sanitatem, quia non peccas, juxta dicta d. 1. q. 2. Si proveniat ex sola delectatione interna absque omni actu externo, Coriolanus & alii apud Dian. p. 4. t. 4. r. 41. putant, non esse casum hic reservatum, quia requiritur, ut opere externo consummetur; sed absolute tenendum oppositum cum D. Th. Suar.

Suar. Sylv. Gob, & aliis, quia, quoties peccatum per-
venit ad pollutionem, est in sua specie opere consumma-
tum. Si seminatio sequatur ex nimio potu, & crapula,
vel ex actu externo venialiter tantum libidinoso, qui
seilicet leviter ex natura sua ad libidinem provocat, qua-
lis est aspectus folius faciei, vel personae decenter ve-
stitae, non incurri hunc casum censem Bass. & alii, quia
non est lapsus carnis externo opere graviter libidinoso
consummatus; sed si intentio libidinosa sit graviter pra-
va, ex qua sequatur pollutio dicendum oppositum, ut
supra; præsertim, si sit aspectus verendorum aliarumve
partium graviter ad libidinem allicientium, ut docent
communiter.

X. *Occisio, vel vulneratio, seu gravis percussio cuius-
cumque personæ.*

Nota: *Occisio, &c.* etiamsi fiat per alium, juvando,
ministrando instrumenta, &c. Bassæus. Dicitur autem
percussio gravis, quæ conjuncta est cum gravi læsione,
vel injuria, ex cap. *Si quis suadente.* Ut vero incur-
ratur hic casus, debet id fieri pravo animo; non ergo
incurris, si lædas coactus metu gravi, licet graviter
tunc pecces: Floron. Bass. incurris autem, si pravo ani-
mo lædas consentientem, quia hic non est Dominus
membrorum suorum; & similiter, si pravo animo lædas
te ipsum, quia es persona: Bass.

XI. *Malitiosum impedimentum, aut retardatio, aut
apertio literarum à Superioribus ad Inferiores, aut ab In-
ferioribus ad Superiores.*

Nota: *Malitiosum, &c.* hoc est ex intentione impe-
diendi effectum literarum, juxta Suar. l. 2. c. 18. n. 13.
vel ex intentione mali, sive positivi, sive privativi, sive
Superiorum, sive subditorum, juxta Bass. Incurris hunc
casum, etiamsi aperiri facias ab alio, ut legat, et si non
legeret; item, etiamsi Superior ille non sit tuus Supe-
rior, cum satis sit, si sit Superior ejus, ad quem scri-
bit. Non vero, si legas absque eo, quod aperias; vel si
aperias cum tacito mittentis consensu, aut bona fide spe-
rando in ratihabitione ejus, cui mittuntur; neque, si
detineas, retardes, aperias, aut etiam comburas, pro-
babiliter timens, in his contineri injustum aliquod ma-
lum, quia uteris defensione naturali: Fagund. Portel.
Bass. & alii: secus vero, si malum sit justum, & tibi
debitum, quia sic malo animo impedit actum justitiae,
Molin & alii.

R.P. Nicol. Mazzotta Theol. Mor. Tom. III. L1 QUÆ